

К ОПУБЛИКОВАНИЮ

КОМИ РЕСПУБЛИКАСА ВЕСЬКӖДЛАН КОТЫРЛӖН ШУӖМ

«Коми Республикаса уджалан ресурсьяслӖн баланс серти прогноз лӖсьӧдӧм йылысь» Коми Республикаса Веськӧдлан котырлӖн 2011 во ӧшым тӧлысь 23 лунся 612 №-а шуӧмӧ вежсьӧмьяс пыртӧм йылысь

Коми Республикаса Веськӧдлан котыр шуис:

1. Пыртны «Коми Республикаса уджалан ресурсьяслӖн баланс серти прогноз лӖсьӧдӧм йылысь» Коми Республикаса Веськӧдлан котырлӖн 2011 во ӧшым тӧлысь 23 лунся 612 №-а шуӧмӧ татшӧм вежсьӧмьяс:

1) 4 пунктӧ «локтан во да 2 вося планӧвӧй период вылӧ» кывьяс бӧрын содтыны «, быд квайт во дас кык да унджык во вылӧ»;

2) 6 пункт гижны тадзи:

«6. Тайӧ шуӧмсӧ олӧмӧ пӧртӧм бӧрся видзӧдны Коми Республикаса Веськӧдлан котырӧн Юрнуӧдысьӧс вежысьлы, кодӧ кывкутана могьяс юклӧм серти координируйтӧ олысьясӧс уджӧн могмӧдан юкӧнын канму политика збыльмӧдан юалӧмьяс серти Коми Республикаса олӧмӧ пӧртысь власьт органьяслысь уджсӧ.»;

3) Коми Республикаса уджалан ресурсьяслӖн баланс серти прогноз лӖсьӧдан правилӧясӧ, кутшӧмьясӧс вынсьӧдӧма шуӧмӧн (содтӧд), гижны тайӧ шуӧм дорӧ содтӧд серти.

2. Тайӧ шуӧмыс вынсялӧ сӧйӧс официальнойӧя публикуйтан лунсянь.

Коми Республикаса Веськӧдлан котырӧн
Юрнуӧдысьӧс Медводдза вежысь

Э. Ахмеева

Сыктывкар

2023 вося сора тӧлысь 24 лун

343 №

Коми Республикаса Веськӧдлан котырлӧн
2023 во сора тӧлысь 24 лунся 343 №-а шуӧм дорӧ
СОДТӐД

«ВЫНСЬӐДӐМА
Коми Республикаса Веськӧдлан котырлӧн
2011 во ӧшым тӧлысь 23 лунся 612 №-а шуӧмӧн
(содтӧд)

Коми Республикаса уджалан ресурсъяслӧн
баланс серти прогноз лӧсьӧдан
ПРАВИЛӐЯС

1. Тайӧ Правилӧясыс урчитӧны Коми Республикаса уджалан ресурсъяслӧн баланс серти прогноз лӧсьӧдан пӧрадоксӧ.

2. Коми Республикаса уджалан ресурсъяслӧн баланс серти прогнозсӧ лӧсьӧдӧны сы могысь, медем:

1) донъявны удж рынокын лоны вермана вӧзйӧмлысь да уджалан вынын лоны вермана коланлунлысь ӧтвесьталунсӧ;

2) индыны удж рынокын вӧзйӧмлысь да коланлунлысь тэчасса пропорцияссӧ;

3) экономикаын торъя сфераяс да юкӧнъяс сӧвмӧдан стратегияссӧ тӧд вылӧ босьтӧмӧн аддзыны удж рынок сӧвмӧдан верктуя нырвизьяссӧ;

4) кыпӧдны уджалан ресурсъяс лӧсьӧдан да наӧн вӧдитчан процессъяс ладмӧдан бӧртаслунсӧ, а сӧдзжӧ примитны веськӧдлан помшуӧмъяс.

3. Уджалан ресурсъяслӧн баланс серти прогнозсӧ лӧсьӧдӧны экономика удж сикасъяс серти: шӧр кадся период вылӧ Экономика удж сикасъяслӧн ставроссияса классификаторлӧн юкӧдъяс тшупӧдын – быд во локтан во да 2 вося планӧвӧй период вылӧ, дыр кадся период вылӧ – быд квайт во дас кык да унджык во вылӧ (водзӧ – прогнозируйтан период).

4. Уджалан ресурсъяслӧн баланс серти прогноз лӧсьӧдан подулӧн лоӧны:

1) уджалан ресурсъяслӧн ӧтчӧтнӧй баланс серти мыччӧдъяс;

2) Коми Республикаса олысьяслӧн прогнозируйтан лыд йылысь мыччӧдъяс (демография прогноз);

3) дыр кад вылӧ, локтан финансӧвӧй во да планӧвӧй период вылӧ Коми Республикаӧс социальнӧя да экономика боксянь сӧвмӧдан прогноз;

4) Коми Республикаын Канму статистика серти федеральнӧй службалӧн мутас органлӧн, Россия Федерацияса пенсионнӧя да социальнӧя страхуйтан фондлӧн Коми Республикаын юкӧнлӧн, Коми Республикаын пытшкӧс делӧяс министерстволӧн Миграция юалӧмъяс серти веськӧдланӧнлӧн, Коми Республикаса олӧмӧ пӧртысь власьт органъяслӧн мыччӧдъяс;

5) экономикаын мунысь тэчасса вежсьомьяс вöсна уджалан вынсö экономика удж сикасьяс костын выльысь юклыны коланлун да позянлун йылысь экспертъяслөн доньялём.

5. Уджалан ресурсъяслөн баланс серти прогнозö лöсьöдöны методика подув вылын, кутшöмöс вынсьöдö Коми Республикаса удж, уджөн могмöдан да социальнöя дорьян министерство.

6. Уджалан ресурсъяслөн баланс серти прогнозö пырöны татшöм медшöр петкöдласьяс:

1) уджалан ресурсъяслөн öтувья лыд (уджавны вермысь арлыда уджавны вермысь олысьяслөн, суйöрсайса уджалысь мигрантъяслөн, а сідзжö уджавны вермысь арлыдысь олöмаджык йöзлөн да томуловлөн лыд, кодьяс уджалöны экономикаын);

2) уджавны вермысь арлыда уджавны вермысь олысьяслөн лыд;

3) суйöрсайса уджалысь мигрантъяслөн лыд;

4) уджавны вермысь арлыдысь олöмаджык йöзлөн да томуловлөн лыд, кодьяс уджалöны экономикаын;

5) экономикаын уджалысьяслөн öтувья лыд;

6) экономика удж сикасьяс серти экономикаын уджалысьяслөн лыд;

7) уджавны вермысь арлыда велöдчысьяслөн лыд, кодьяс велöдчöны уджысь эновтчöмөн;

8) уджтöмалысь гражданалөн лыд, кодьясöс пасйöма олысьясöс уджөн могмöдан службаса органьясын;

9) уджавны вермысь арлыда олысьяслөн лыд, кодьяс оз уджавны экономикаын.

7. Уджалан ресурсъяслөн баланс серти прогноз лöсьöдöм могысь Коми Республикаса олöмö пöртысь власьт органьяс быд во öнiя волөн рака тöлысь 15 лунысь да моз тöлысь 15 лунысь оз сёрджык да быд квайт во ода-кора тöлысь 1 лунысь оз сёрджык сетöны Коми Республикаса удж, уджөн могмöдан да социальнöя дорьян министерствоö:

1) Коми Республикаса экономика сöвмöдан, промышленносьт да транспорт министерство – öнiя воысь да прогнозируйтан период вылö татшöм мыччöдьяс:

а) экономикаын уджалысьяслөн вося шöркодь лыд йылысь мыччöдьяс (ставнас);

б) «Мупытшса озырлун перйöм», «Обработайтан производствояс» («Сёянторьяс вöчöм», «Юанторьяс вöчöм», «Табак вöчöм», «Полиграфия удж да юөр кутысьясöс копируйтöм» экономика удж сикасьяс кындзи), «Транспортируйтöм да видзöм», «Туризм агентствояслөн да туризм сфераын услугаяс сетысь мукöд организациялөн удж» экономика удж сикасьяс серти уджалысьяслөн вося шöркодь лыд йылысь мыччöдьяс;

в) лэдзан тöварлысь да услугаяслысь физическöй йöрыш петкöдлысь индексьяс татшöм экономика удж сикасьяс серти:

видз-му, вөр овмöс, вöралём, чери кыйöм, чери рöдмöдöм;

мупытшса озырлун перйöм;

обработайтан производствояс;

электричество энергиян, биаруон да руон могмодом, сынод состоммодом;

ваон могмодом, ва бокө нуодом, шыбласьяс чукортөмсө да иналөмсө котыртөм, няйтчөдөм бырөдан удж;

стрөитчөм;

чукөрөн да торйөн вузасьом, автотранспорт средствояс да мотоцикляяс дзоньталөм;

транспортируйтөм да видзөм;

туйморт керкаяслөн да йөзөс отув вердан предприятиеяслөн удж;

юөр да связь юкөнын удж;

вөрзөдны позьтөм эмбурөн операцияяс серти удж;

2) Коми Республикаса видз-му овмөс да потребительскöй рынок министерство – воддза воысь, өнiя воысь да прогнозируйтан период вылө «Видз-му, вөр овмөс, вөралөм, чери кыйөм да чери рөдмөдөм», «Сөянторьяс вөчөм», «Юанторьяс вөчөм», «Табак вөчөм», «Чукөрөн да торйөн вузасьом; автотранспорт средствояс да мотоцикляяс дзоньталөм» экономика удж сикасьяс серти уджалысьяслөн вося шөркодь лыд йылысь мыччөдьяс;

3) Коми Республикаса стрөитчан, оланін да коммунальнöй овмөс министерство – воддза воысь, өнiя воысь да прогнозируйтан период вылө «Стрөитчөм», «Электричество энергиян, биаруон да руон могмөдөм; сынод состоммөдөм», «Ваон могмөдөм; ва бокө нуөдөм, шыбласьяс чукөртөмсө да иналөмсө котыртөм, няйтчөдөм бырөдан удж» («Няйтчөдөм бөрын колясьяс бырөдан юкөнын услугаяс да шыбласьяс бырөдөмкөд йитчөм мукөд услуга сетөм» экономика удж сикас кындзи) экономика удж сикасьясын уджалысь йөзлөн вося шөркодь лыд йылысь мыччөдьяс;

4) Коми Республикаса вөр-ва озырлун да гөгөртас видзан министерство – воддза воысь, өнiя воысь да прогнозируйтан период вылө «Няйтчөдөм бөрын колясьяс бырөдан юкөнын услугаяс да шыбласьяс бырөдөмкөд йитчөм мукөд услуга сетөм» экономика удж сикасын уджалысь йөзлөн вося шөркодь лыд йылысь мыччөдьяс;

5) Коми Республикаса цифра отсөгөн сөвмөдан, йитөд да юөр сетан министерство – воддза воысь, өнiя воысь да прогнозируйтан период вылө «Юөр да связь юкөнын удж» экономика удж сикасын уджалысь йөзлөн вося шөркодь лыд йылысь мыччөдьяс;

б) Коми Республикаса велөдан да наука министерство:

а) воддза воысь, өнiя воысь да прогнозируйтан период вылө уджавны вермысь арлыда йөзлөн, кодьяс уджысь эновтчөмөн велөдчөны подув общеобразовательнöй уджтасьяс, шөр тшупөда уджсикасө да вылыс тшупөда велөдан уджтасьяс серти, вося шөркодь лыд йылысь мыччөдьяс Коми Республикаын муниципальнöй юкөньяс серти;

б) воддза воысь, өнiя воысь да прогнозируйтан период вылө «Велөдөм» экономика удж сикас серти уджалысьяслөн вося шөркодь лыд йылысь мыччөдьяс;

7) Коми Республикаса йӧзлысь дзоньвидзалун видзан министерство – воддза воысь, ӧнія воысь да прогнозируйтан период вылӧ «Йӧзлысь дзоньвидзалун видзан да социальной услугае сетан юкӧнын удж» экономика удж сикасын уджалысь йӧзлӧн вося шӧркодъ лыд йылысь мыччӧдъяс;

8) Коми Республикаса культура да архив удж министерство – воддза воысь, ӧнія воысь да прогнозируйтан период вылӧ «Культура, спорт, шойччӧм да гажӧдчӧм котыртан юкӧнын удж» («Яр ворсӧмъяс котыртан да нуӧдан да заклад вартан, лотереяе котыртан да нуӧдан удж» экономика удж сикас кындзи) экономика удж сикасын уджалысь йӧзлӧн вося шӧркодъ лыд йылысь мыччӧдъяс.

8. Коми Республикаын Канму статистика серти федеральной службалӧн мутас органлы вӧзйыны сетны Коми Республикаса удж, уджӧн могмӧдан да социальной доръян министерствоӧ:

1) ӧнія волӧн моз тӧлысь 20 лунысь оз сӧрджык Росстатӧн урчитӧм таблицаяслӧн торъя лыддьӧг серти воддза воысь уджалан ресурсьяслӧн отчӧтнӧй баланс серти мыччӧдъяс;

2) ӧнія вося ӧшым тӧлысьлӧн медводдза декадаӧ прогнозируйтан период вылӧ арлыд серти группаяс серти олысьяслӧн чайтана вося шӧркодъ лыд йылысь мыччӧдъяс.

9. Россия Федерацияса пенсионнӧя да социальной страхуйтан фондлӧн Коми Республикаын юкӧнлы вӧзйыны сетны быд во ӧнія волӧн моз тӧлысь 15 лунысь оз сӧрджык Коми Республикаса удж, уджӧн могмӧдан да социальной доръян министерствоӧ:

1) воддза воысь, ӧнія воысь уджавны вермысь арлыда уджтӧм йӧзлӧн, кодъяс босьтӧны кокньӧда условиеясын да вермытӧмлун серти пенсия, лыд йылысь мыччӧдъяс Коми Республикаын муниципальной юкӧнъяс серти; шӧр кадся период вылӧ – Коми Республика серти ставнас;

2) воддза воысь, ӧнія воысь уджавны вермысь арлыдысь олӧмаджык уджалысь пенсионерьяслӧн лыд йылысь мыччӧдъяс Коми Республикаын муниципальной юкӧнъяс серти; шӧр кадся период вылӧ – Коми Республика серти ставнас;

3) воддза воысь, ӧнія воысь да шӧр кадся период вылӧ Коми Республика серти ставнас уджавны вермысь арлыдысь томджык уджалысь йӧзлӧн лыд йылысь мыччӧдъяс.

10. Коми Республикаын пытшкӧс делӧяс министрстволӧн Миграция юалӧмъяс серти веськӧдланінлы вӧзйыны сетны быд во ӧнія волӧн рака тӧлысь 15 лунысь да моз тӧлысь 15 лунысь оз сӧрджык да быд квайт во ода-кора тӧлысь 1 лунысь оз сӧрджык Коми Республикаса удж, уджӧн могмӧдан да социальной доръян министерствоӧ воддза воысь, ӧнія воысь да прогнозируйтан период вылӧ суйӧрсайса уджалысь мигрантъяслӧн лыд йылысь мыччӧдъяс Коми Республикаын муниципальной юкӧнъяс серти.

11. Коми Республикаса удж, уджӧн могмӧдан да социальной доръян министерство ӧнія волӧн ӧшым тӧлысь 10 лунысь оз сӧрджык ыстӧ Коми Республикаса уджалан ресурсьяслӧн баланс серти прогнозсӧ да сы дорӧ

видлалан-донъялан запискасö Коми Республикаса Веськöдлан котырлы да йöзöдö найöс «Öтуввез» юöртан да телекоммуникация везын аслас официальной сайтын.».